

Adnabod Awdur

Hywel Griffiths

Ganwyd fi yng Nghaerfyrddin a chefais fy magu ar fferm nid nepell o bentref Llangynog. Digwyddiadau'r fferm oedd yn bwysig yn ystod fy magwraeth – helpu gyda'r cynhaeaf gwair, wyna ac ati. Dechreuais sgwennu o ddifri yn Ysgol Bro Myrddin a dysgu barddoni a chynganeddu yng nghwmni Eurig Salisbury. Cyrhaeddais Aberystwyth ym Medi 2001 ac 'wy ddim wedi gallu dianc o'r lle! Erbyn hyn rwy'n ddarlithydd daearyddiaeth yn Sefydliad Daearyddiaeth a Gwyddorau Daear y Brifysgol ac yn byw ym mhentref Tal-y-bont gydag Alaw, fy nyweddi, a Modlen y gath. Enillais gadair Eisteddfod yr Urdd ym Môn yn 2004 ac yn Sir Gâr yn 2007, a choron yr Eisteddfod Genedlaethol yng Nghaerdydd yn 2008. Cyrhaeddodd fy nghasgliad unigol cyntaf o gerddi, *Banerog*, restr fer Llyfr y Flwyddyn 2009. Rwy'n aelod o dîm talwrn y Glêr, a thîm ymryson y Deheubarth ac yn mwynhau cymryd rhan mewn stompiau a nosweithiau barddoniaeth ar hyd a lled Cymru. Bûm yn gadeirydd Cymdeithas yr Iaith am gyfnod, ac rwy'n dal i fod yn weithgar gyda'r mudiad. Rwy'n hoff iawn o gerdded, chwarae pêl-droed, gwyllo ffilmiau, darllen, teithio a thynnu lluniau, ond prin yn cael amser i wneud yr un ohonynt yn iawn!



Dirgelwch y Bont
(enillydd Gwobr Tir na n-Og 2011)
£4.99 Gwasg Gomer

Tir na n-Og
GWOBR 2011



CYNGOR LLYFRAU CYMRU
WELSH BOOKS COUNCIL

gwales.com
llyfrau ar-lein books online

Noddir gan
Lywodraeth Cymru
Sponsored by
Welsh Assembly Government



2011

Adnabod Awdur

Hywel Griffiths

Dyddiad Geni 18/03/1983

Ble cawsoch chi eich geni a'ch magu? Ganwyd fi yn Ysbyty Glangwili, Caerfyrddin a magwyd fi ar fferm yn ardal Llangynog.

Ble cawsoch chi eich addysg? Ysgol Llangynog, Ysgol Gyfun Bro Myrddin a Phrifysgol Aberystwyth.

Beth roeddech chi'n ei hoffi neu'n ei gasáu am yr ysgol? Roeddwn yn hoff iawn o'r gwersi, yn enwedig Cymraeg, Saesneg, Daearyddiaeth a Mathemateg. Doeddwn i ddim yn licio'r pwysau i fod yn cŵl, achos doeddwn i ddim ar y pryd, a dwi ddim wedi bod ers hynny!

Beth oeddech chi eisiau bod ar ôl tyfu i fyny? Cogydd, ffotograffydd, neu warden mewn parc cenedlaethol. Dwi'n meddwl mai ffotograffydd yr hoffwn i fod ar ôl tyfu i fyny.

Pa rai oedd eich hoff lyfrau yn blentyn? Unrhyw un o lyfrau'r *Famous Five* gan Enid Blyton, *Corn, Pistol a Chwip* gan T. Llew Jones. Yn ddiweddarach, *The Hobbit* a *The Lord of the Rings* gan Tolkien.

Beth yw eich hoff ddiddordebau? Darllen, gwyllo ffilmiau, cerdded, garddio, ffotograffiaeth, pêl-droed.

Beth sy'n eich gwneud chi'n hapus? Ymlacio ac ysgrifennu; bod gyda ffrindiau.

Beth sy'n eich gwylltio chi? Gormod o brysurdeb, gorfod cyfiawnhau gwneud pethau yn Gymraeg dro ar ôl tro, tlodi a rhyfel, ymysg nifer o bethau eraill.

Pryd ddechreusoch chi feddwl am ysgrifennu? Yn yr ysgol gynradd, dwi'n meddwl, y mae'r cof cyntaf gen i o sgwennu rhywbeth, a chael canmoliaeth amdano. Cerdd oedd hi. Yn yr ysgol uwchradd wedyn, dechreuais sgwennu straeon byrion yn ymwneud â chefn gwlad.

Pa un oedd eich llyfr cyntaf? Llyfr o farddoniaeth ar y cyd gyda nifer o'm ffrindiau o'r enw *Crap ar Farddoni*. *Dirgelwch y Bont* yw fy nofel gyntaf.

O ble rydych chi'n cael eich syniadau? Digwyddiadau bob dydd, straeon ar y newyddion, lleoedd arbennig, siarad â ffrindiau, yn enwedig beirdd a nofelwyr eraill. Mae hynny wastad yn ysbrydoli rhywun.

Oes ganddoch chi gyngor i rywun sy'n trio ysgrifennu? Gwnewch, a pheidiwch â bod ofn methu. Arbrowfch. Sgwennwch er eich mwyn eich hunain, ac yna dangos eich gwaith i bobl eraill.

Oes unrhyw beth yr hoffech chi ei newid amdanoch eich hunan? Hoffwn allu canu offeryn, medru canu mewn tiwn, a newid fy ngwallt.

Pa raglenni teledu yw eich ffefrynnau? Mae gormod i'w henwi i gyd! *C'mon Midffild*, *Teulu'r Mans*, *The Simpsons*, *Lost*, *24*, *Friends*, rhaglenni natur. Rwy'n gwrandao ar y radio yn aml iawn ac yn hoff o raglenni fel *The News Quiz*, *Just a Minute* a *The Archers*!

Beth yw eich hoff fwyd? Allwch chi ddim curio brecwast wedi'i goginio. Dyw e ddim yn iach, ond mae'n hyfryd.

Pa rai yw eich hoff lefydd yn y byd? Tir uchaf y fferm adref, lle mae modd gweld y Preseli a brynau gorllewinol y Mynydd Du – mi allwn eistedd yno am hydoedd.

Oes ganddoch chi un peth rydych yn ei drysori'n fwy na dim arall? O ran pethau materol, copïau o gerddi cyfarch gan ffrindiau imi a'r gwobrau rwyf wedi'u hennill mewn eisteddfodau. Ond mae cwmni teulu a ffrindiau'n llawer iawn pwysicach.

Beth sy'n gwneud i chi chwerthin? Modlen y gath, yn enwedig pan mae hi eisiau rhywbeth.

Unrhyw gyfrinachau eraill yr hoffech eu rhannu â phlant Cymru? Oes, ond maen nhw'n gyfrinachol!

